



სახელმწიფო შესყიდვების სააგენტო STATE PROCUREMENT AGENCY

მცირე ტვირთამწეობის ავტომანქანების ყველა სეზონის (A/T პროტექტორი)
საბურავების (თანხმლები მომსახურებით) 2017 წლის კონსოლიდირებული
ტენდერის სატენდერო დოკუმენტაცია

შესასყიდი საბურავების ზომა: R15 205/70; R15 235/75; R15 265/70; R16 215/70; R16 235/85; R16 245/75;
R16 265/70; R17 225/65; R17 265/65; R18 265/60; R18 275/65; R18 285/60

შესასყიდი საბურავის საორიენტაციო რაოდენობა:

838 ერთეული.

2016 წელი, 21 დეკემბერი

მუხლი 1. ზოგადი დებულებები

1.1 წინამდებარე სატენდერო დოკუმენტაცია შემუშავებულია „სახელმწიფო შესყიდვების შესახებ“ საქართველოს კანონის (შემდგომში - კანონი) 20² მუხლის, სახელმწიფო შესყიდვების სააგენტოს თავმჯდომარის 2015 წლის 21 ოქტომბრის N14 ბრძანებით დამტკიცებული საბურავების კონსოლიდირებული ტენდერის ჩატარების წესისა და პირობების, აგრეთვე „2016-2017 წლების განმავლობაში საბურავების სახელმწიფო შესყიდვის კონსოლიდირებული ტენდერების მეშვეობით განხორციელების თაობაზე“ საქართველოს მთავრობის 2016 წლის 18 ივლისის №1453 განკარგულების საფუძველზე.

1.2 კონსოლიდირებული ტენდერის ფარგლებში შემსყიდველი ორგანიზაციები არიან სახელმწიფო შესყიდვების ერთიან ელექტრონულ სისტემაში (შემდგომში - სისტემა) „შემსყიდველად“ რეგისტრირებული მომხმარებლები.

1.3 სისტემაში რეგისტრირებული ყველა შემსყიდველი ორგანიზაცია ვალდებულია 2017 წლის 31 ოქტომბრის ჩათვლით წინამდებარე სატენდერო დოკუმენტაციის დანართი №1-ით განსაზღვრული პარამეტრების მქონე საბურავების (შემდგომში - საბურავები) სახელმწიფო შესყიდვა განახორციელოს საბურავების კონსოლიდირებული ტენდერის (შემდგომში - კონსოლიდირებული ტენდერი) საშუალებით, უცხო ქვეყანაში საქართველოს შინაგან საქმეთა სამინისტროს, საქართველოს სახელმწიფო უსაფრთხოების სამსახურის, საქართველოს თავდაცვის სამინისტროს, თავდაცვის ატაშეს, აგრეთვე საქართველოს დიპლომატიური წარმომადგენლობისა და საკონსულო დაწესებულების მიერ საბურავების შესყიდვის შემთხვევებისა.

1.4 1.3 პუნქტით გათვალისწინებული შემთხვევების გარდა, საბურავების სხვა მიმწოდებლისაგან შესყიდვის საჭიროების შემთხვევაში, შემსყიდველი ორგანიზაცია შესაბამისი დასაბუთებით მიმართავს სატენდერო კომისიას. ამ პუნქტით გათვალისწინებულ შემთხვევაში, შემსყიდველი ორგანიზაციის მიერ სხვა მიმწოდებლისგან საბურავების შესყიდვა შესაძლებელია მხოლოდ სატენდერო კომისიის თანხმობის შემთხვევაში. შესყიდვა ხორციელდება კანონმდებლობით დადგენილი წესით.

1.5 იმ შემსყიდველ ორგანიზაციებს, რომლებზეც სატენდერო დოკუმენტაციის მიხედვით სავალდებულოდ არ ვრცელდება კონსოლიდირებული ტენდერის მოქმედება, საბურავების სახელმწიფო შესყიდვის შესახებ ხელშეკრულების დადების მიზნით შეუძლიათ მიმართონ კონსოლიდირებულ ტენდერში გამარჯვებულ

პრეტენდენტს სატენდერო კომისიასთან შეთანხმების გარეშე. ხელშეკრულების დადების შემთხვევაში, მათზე სრულად გავრცელდება ამ წესითა და სატენდერო დოკუმენტაციით დადგენილი მოთხოვნები.

მუხლი 2. შესყიდვის ობიექტი

წინამდებარე სატენდერო დოკუმენტაციით განსაზღვრულ შესყიდვის ობიექტს წარმოადგენს დანართი N1 - ით განსაზღვრული პარამეტრების მქონე საბურავები. შესასყიდი საბურავების საორიენტაციო რაოდენობა არის 838 ერთეული. საბურავების რაოდენობა ცალკეული ზომების მიხედვით წარმოდგენილია დანართი N1-ში.

მუხლი 3. კონსოლიდირებულ ტენდერში მონაწილეობის პირობები, გამარჯვებული პრეტენდენტის გამოვლენა

3.1 კონსოლიდირებულ ტენდერში მონაწილეობის მიღება შეუძლია მხოლოდ სისტემაში „მიმწოდებლად“ რეგისტრირებულ მომხმარებელს.

3.2 კონსოლიდირებულ ტენდერში მონაწილეობისათვის „მიმწოდებელმა“ უნდა გადაიხადოს სატენდერო წინადადების წარდგენის საფასური 500 (ხუთასი) ლარის ოდენობით. იმ შემთხვევაში, თუ კონსოლიდირებული ტენდერი შეწყდება ან დასრულდება უარყოფითი შედეგით, ხელმეორედ გამოცხადებულ კონსოლიდირებულ ტენდერში შეწყვეტილ ან უარყოფითი შედეგით დასრულებულ კონსოლიდირებულ ტენდერში მონაწილე პრეტენდენტისთვის სატენდერო წინადადების განმეორებით წარდგენის საფასური განისაზღვრება 100 (ასი) ლარის ოდენობით. კონსოლიდირებულ ტენდერში წინადადების წარდგენის საფასური გადახდილ უნდა იქნეს სისტემის მეშვეობით.

3.3 კონსოლიდირებულ ტენდერში მონაწილეობის მიღება შეუძლია მხოლოდ იმ პრეტენდენტს, რომელსაც აქვს საბურავების მიწოდების გამოცდილება არანაკლებ უკანასკნელი ორი წლის განმავლობაში. აღნიშნულის თაობაზე პრეტენდენტმა სისტემის მეშვეობით უნდა წარმოადგინოს უფლებამოსილი პირის ხელმოწერით დადასტურებული შესაბამისი ინფორმაცია: მიღება-ჩაბარების აქტ(ებ)ი ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები.

3.4 პრეტენდენტს უნდა შეეძლოს საბურავების მიწოდება განახორციელოს და თანმდევი მომსახურება გაწიოს საქართველოს ტერიტორიაზე - ქალაქებსა და რაიონულ ცენტრებში.

3.5 პრეტენდენტმა სისტემის მეშვეობით სატენდერო წინადადებასთან ერთად უნდა წარმოადგინოს:

ა) ცნობა გადახდისუუნარობის საქმის წარმოების შესახებ;

ბ) ცნობა ბიუჯეტის წინაშე დავალიანების შესახებ;

გ) ამონაწერი სამეწარმეო და არასამეწარმეო (არაკომერციულ) იურიდიულ პირთა რეესტრიდან;

3.6 წინამდებარე დოკუმენტაციის 3.5 პუნქტის „ა“-„გ“ ქვეპუნქტებში მითითებული დოკუმენტების გაცემის თარიღი უნდა იყოს არაუადრეს 2016 წლის 20 ნოემბრისა.

3.7 პრეტენდენტი ვალდებულია, დანართი №1-ის შესაბამისად, წარმოადგინოს შემოთავაზებული საბურავების შესახებ შემდეგი ინფორმაცია: სეზონურობა, ბრენდის დასახელება, მოდელი, ბრენდის წარმოშობის ქვეყანა, ერთეულის ფასი და ჯამური ღირებულება. იმ შემთხვევაში, თუ სატენდერო წინადადებით წარმოდგენილ დანართი №1-ში არ იქნება მითითებული რომელიმე საბურავის ბრენდის ან/და მოდელის დასახელება, პრეტენდენტი დაექვემდებარება დისკვალიფიკაციას.

3.8 დაუშვებელია ერთი და იმავე ზომის საბურავზე სხვადასხვა ბრენდის ან/და მოდელის შეთავაზება. ბრენდისა და მოდელის შესახებ ინფორმაცია არ ექვემდებარება ცვლილებას და უნდა იყოს საბოლოო. წინააღმდეგ შემთხვევაში პრეტენდენტი დაექვემდებარება დისკვალიფიკაციას.

3.9 პრეტენდენტის მიერ შემოთავაზებული საბურავები უნდა აკმაყოფილებდეს დანართი N2-ით დადგენილ ტექნიკურ მოთხოვნებს.

3.10 კონსოლიდირებულ ტენდერთან დაკავშირებული დოკუმენტები ან/და ინფორმაცია შესაძლებელია წარმოდგენილ იქნეს ქართულ ან უცხო ენაზე. დოკუმენტების ან/და ინფორმაციის უცხო ენაზე წარმოდგენის შემთხვევაში, მათ უნდა დაერთოს ნოტარიულად დამოწმებული ქართული თარგმანი. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პროირიტეტის მინიჭების საკითხს წყვეტს სატენდერო კომისია. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

3.11 სატენდერო კომისია უფლებამოსილია, მოსთხოვოს პრეტენდენტს შესაბამისი დოკუმენტის ორიგინალის ან/და ნოტარიულად დამოწმებული ასლის წარმოდგენა, რომლითაც შესაძლებელი იქნება წარმოდგენილი დოკუმენტის ნამდვილობის დადასტურება.

3.12 კონსოლიდირებული ტენდერი ტარდება სისტემის მეშვეობით და ელექტრონული ვაჭრობა იმართება შესასყიდი საქონლის ჯამურ ღირებულებაზე.

3.13 შესასყიდი საქონლის სავარაუდო ჯამური ღირებულება შეადგენს 196,928.00 ლარს.

3.14 პრეტენდენტის მიერ სატენდერო წინადადებით წარმოდგენილი საბურავების ცალკეული ზომებზე მითითებული ერთეულის ფასი უნდა აკმაყოფილებდეს დანართი №1-ის ცხრილით დადგენილ მოთხოვნებს.

3.15 ვაჭრობის შედეგად ჯამური ღირებულების კლებამ არ უნდა გამოიწვიოს მის სატენდერო წინადადებაში საბურავის ცალკეულ ზომებზე თავდაპირველად დაფიქსირებული ერთეულის ფასის ზრდა.

3.16 შესასყიდი საქონლის ჯამური ღირებულება უნდა მოიცავდეს საქართველოს კანონმდებლობით გათვალისწინებულ ყველა გადასახადს, ასევე შესყიდვის ობიექტის მიწოდებასა და თანმდევ მომსახურებასთან (მონტაჟი, დემონტაჟი, ბალანსირება) დაკავშირებულ ყველა ხარჯს.

3.17 კონსოლიდირებულ ტენდერში გამარჯვებულად ჩაითვლება ის პრეტენდენტი, რომელიც ვაჭრობის შედეგად დააფიქსირებს ყველაზე დაბალ ჯამურ ღირებულებას და ამასთან, დააკმაყოფილებს სატენდერო დოკუმენტაციითა და შესაბამისი სამართლებრივი აქტებით დადგენილ მოთხოვნებს.

3.18 კონსოლიდირებულ ტენდერში მონაწილე ორი ან მეტი პრეტენდენტის მიერ თანაბარი უმცირესი ჯამური ღირებულების დაფიქსირების შემთხვევაში, უპირატესობა მიენიჭება იმ პრეტენდენტს, რომელმაც პირველმა მიუთითა აღნიშნული ჯამური ღირებულება.

3.19 კონსოლიდირებულ ტენდერში პრეტენდენტის მიერ წარდგენილი სატენდერო წინადადების ან/და სხვა დოკუმენტების სატენდერო განცხადებასთან ან/და სატენდერო დოკუმენტაციის მოთხოვნებთან შეუსაბამობის შემთხვევაში, პრეტენდენტი დაექვემდებარება დისკვალიფიკაციას.

3.20 იმ შემთხვევაში, თუ სატენდერო კომისია მიიჩნევს, რომ პრეტენდენტის მიერ წარმოდგენილ დოკუმენტებში არსებული ინფორმაციის გათვალისწინებით, მიზანშეწონილი არ არის აღნიშნულ პრეტენდენტთან შემსყიდველების მიერ სახელმწიფო შესყიდვის შესახებ ხელშეკრულებების დადება, სატენდერო კომისიას, უფლება აქვს უარი თქვას აღნიშნულ პრეტენდენტთან ზემოაღნიშნული ხელშეკრულებების გაფორმებაზე.

3.21 კონსოლიდირებული ტენდერიდან ელექტრონულ ვაჭრობაში გამარჯვებული პრეტენდენტის დისკვალიფიკაციის შემთხვევაში, თუ მომდევნო ყველაზე დაბალი ფასის წინადადების მქონე პრეტენდენტის მიერ შემოთავაზებული ფასი მნიშვნელოვნად აღემატება დისკვალიფიცირებული პრეტენდენტის წინადადების ფასს, ასევე სხვა ობიექტური გარემოების არსებობისას, სატენდერო კომისიას უფლება აქვს შეწყვიტოს კონსოლიდირებული ტენდერი.

3.22 სატენდერო წინადადებების წარდგენა იწყება 2017 წლის 24 დეკემბერს და მთავრდება 2017 წლის 26 დეკემბერს. სატენდერო კომისია სატენდერო წინადადებებს განიხილავს გონივრულ ვადაში და შედეგები ქვეყნდება სისტემის მეშვეობით.

3.23 გამარჯვებული პრეტენდენტის სატენდერო წინადადება ძალაშია 2017 წლის 31 ოქტომბრის ჩათვლით.

3.24 კონსოლიდირებულ ტენდერში სატენდერო წინადადების უზრუნველყოფის საბანკო გარანტია არ გამოიყენება. სატენდერო წინადადების უზრუნველყოფის მიზნით, პრეტენდენტი კონსოლიდირებულ ტენდერში მონაწილეობით კისრულობს ვალდებულებას, სახელმწიფო ბიუჯეტის სასარგებლოდ ჯარიმის სახით გადაიხადოს კონსოლიდირებულად შესასყიდი საბურავების ჯამური საორიენტაციო ღირებულების 10%-ის ოდენობის თანხა იმ შემთხვევაში, თუ იგი უარს განაცხადებს საბურავების სახელმწიფო შესყიდვის შესახებ ხელშეკრულების დადებაზე ერთ ან რამდენიმე შემსყიდველ ორგანიზაციასთან. ჯარიმის გამოყენების შესახებ გადაწყვეტილებას იღებს სატენდერო კომისია შემსყიდველი ორგანიზაციის მიმართვის საფუძველზე. ჯარიმა ერთი კონსოლიდირებული ტენდერის ფარგლებში გამოიყენება ერთხელ. აღნიშნული ვალდებულება მოქმედებს 2017 წლის 31 ოქტომბრის ჩათვლით.

3.25 3.24 პუნქტით გათვალისწინებულ შემთხვევაში, სატენდერო კომისიას უფლება აქვს იმსჯელოს კონსოლიდირებული ტენდერის შეწყვეტისა და ახალი კონსოლიდირებული ტენდერის ჩატარების ან შესყიდვის ალტერნატიული საშუალებების გამოყენების მიზანშეწონილობაზე. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაბარზომიერების პრინციპები. კონსოლიდირებული ტენდერის შეწყვეტის შემთხვევაში, იგი მიმართავს საქართველოს მთავრობას შესაბამისი რეკომენდაციით.

3.26 სატენდერო კომისია ბაზრის კონიუქტურის გათვალისწინებით, როგორც საკუთარი ინიციატივით, ასევე მიმწოდებლის წერილობითი მიმართვის საფუძველზე, უფლებამოსილია, გადახედოს მიმწოდებლის მიერ შემოთავაზებულ საბურავის ფასს და ბაზარზე შესაბამისი გარემოებების არსებობის შემთხვევაში, განიხილოს მისაწოდებელი საბურავის ერთეულის ფასის ცვლილება. მიმწოდებელსა და

სატენდერო კომისიას შორის შეთანხმების მიუღწევლობა იწვევს კონსოლიდირებული ტენდერის შეწყვეტას. აღნიშნულ შემთხვევაში, მიმწოდებელი ვალდებულია, სახელმწიფო ბიუჯეტის სასარგებლოდ გადაიხადოს ჯარიმა შესასყიდი საბურავების ჯამური საორიენტაციო ღირებულების 0,5%-დან 30%-მდე ოდენობით.

მუხლი 4. შემსყიდველ ორგანიზაციასა და გამარჯვებულ პრეტენდენტს შორის გასაფორმებელი ხელშეკრულების ძირითადი პირობები

4.1 ხელშეკრულების პირობები განისაზღვრება წინამდებარე სატენდერო დოკუმენტაციით, „სახელმწიფო შესყიდვების შესახებ“ საქართველოს კანონით, სახელმწიფო შესყიდვების სააგენტოს თავმჯდომარის 2015 წლის 21 ოქტომბრის №14 ბრძანებით დამტკიცებული საბურავების კონსოლიდირებული ტენდერის ჩატარების წესისა და პირობების შესაბამისად და კონსოლიდირებული ტენდერის ფარგლებში საბურავების სახელმწიფო შესყიდვის თავისებურებათა გათვალისწინებით.

4.2 ხელშეკრულებაში მითითებული შესასყიდი საბურავების რაოდენობა არ უნდა იყოს საორიენტაციო ხასიათის. ფაქტობრივად შესყიდული საქონლის რაოდენობა უნდა შეესაბამებოდეს ხელშეკრულებით გათვალისწინებულ რაოდენობას, თუ მხარეებს შორის შეთანხმებით სხვა რამ არ არის დადგენილი.

4.3 ხელშეკრულებით გათვალისწინებული შესასყიდი საბურავების მიწოდება უნდა განხორციელდეს ეტაპობრივად, 2017 წლის 15 მარტიდან 2017 წლის 31 ოქტომბრის ჩათვლით, თუ შემსყიდველსა და მიმწოდებელს შორის ურთიერთშეთანხმებით სხვა რამ არ არის დადგენილი. ხელშეკრულებით გათვალისწინებული მიწოდების ვადა სატენდერო წინადადების მოქმედების ვადას შესაძლებელია აღემატებოდეს არაუმეტეს 10 კალენდარული დღით.

4.4 გამარჯვებული პრეტენდენტი ვალდებულია:

ა) მისი გამარჯვებულად გამოვლენისთანავე, შემსყიდველი ორგანიზაციების წერილობითი მიმართვის საფუძველზე, დაიწყოს მათთან შესყიდვის ხელშეკრულებების გაფორმება და დაასრულოს აღნიშნული პროცესი 5 სამუშაო დღის ვადაში.

ბ) შემსყიდველი ორგანიზაციის მიერ შესაბამისი მოთხოვნის შემთხვევაში, მიუხედავად მოთხოვნის წარდგენის თარიღისა, საბურავების მიწოდება დაიწყოს 2017 წლის 15 მარტიდან, ხოლო ყოველი შემდგომი მიწოდება განხორციელოს შემსყიდველი ორგანიზაციის მიერ შესაბამისი მოთხოვნის წარდგენიდან არაუგვიანეს 3 სამუშაო დღისა.

გ) უზრუნველყოს შეუფერხებელი მონტაჟის პროცესი.

დ) ხელშეკრულებით განსაზღვრული საქონლის მიწოდების ვადის გადაცილების შემთხვევაში, შემსყიდველი ორგანიზაციის სასარგებლოდ ყოველ ვადაგადაცილებულ დღეზე გადაიხადოს პირგასამტეხლო ვადაგადაცილებით მიწოდებული საქონლის ღირებულების 0,5% ოდენობით. საქონლის მიწოდების ვადის 10-ზე მეტი სამუშაო დღით გადაცილების შემთხვევაში შემსყიდველ ორგანიზაციას უფლება აქვს მიმართოს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

ე) იმ შემთხვევაში, თუ მიმწოდებელი ვერ ახერხებს საქონლის მიწოდებას ხელშეკრულებით დადგენილ ვადაში, ვალდებულია გულისყურით ითანამშრომლოს შემსყიდველ ორგანიზაციასთან, მიწოდების შეფერხების მიზეზები და აცნობოს მას შექმნილი პრობლემის აღმოფხვრის საბოლოო ვადის შესახებ.

ვ) სათანადო გულისხმიერებითა და პასუხისმგებლობით ითანამშრომლოს შემსყიდველთან, განიხილოს მისი მოსაზრებები, პრეტენზიები და მიაწოდოს მოტივირებული წერილობითი პასუხი ყველა საკითხზე.

ზ) სახელმწიფო შესყიდვის ხელშეკრულებების გაფორმებისას გამოითხოვოს დაზუსტებული ინფორმაცია შემსყიდველი ორგანიზაციის სარგებლობაში არსებული ავტომობილების შესახებ, მისაწოდებელ საბურავის სიჩქარის ინდექსისა და ტვირთდაწოლის კილოგრამების განსაზღვრის მიზნით.

თ) მჭიდროდ ითანამშრომლოს შემსყიდველ ორგანიზაციებთან საბურავების მიწოდების სავარაუდო ვადების დადგენისა და შესაბამისი განრიგის შემუშავების მიზნით, რათა უზრუნველყოფილ იქნეს საბურავების დროული და შეუფერხებელი მიწოდება.

4.5 მიმწოდებელი უფლებამოსილია არ განახორციელოს საბურავების მიწოდება 2017 წლის 15 მარტამდე.

4.6 შემსყიდველი ვალდებულია:

ა) გამარჯვებულ პრეტენდენტთან შესყიდვის ხელშეკრულების გაფორმების პროცედურები დაასრულოს არაუგვიანეს 2017 წლის 30 მარტისა, ხოლო 2017 წლის 30 მარტის შემდგომ, ხელშეკრულების გაფორმების შემთხვევაში, აცნობოს სატენდერო კომისიას აღნიშნულის თაობაზე.

ბ) მომსახურების მიღების მიზნით წარადგინოს ავტომანქანა პრეტენდენტის მიერ მითითებულ მისამართზე, თუ ურთიერთშეთანხმებით სხვა რამ არ არის გათვალისწინებული.

გ) მიმწოდებელს, სახელმწიფო შესყიდვის ხელშეკრულებების გაფორმებისას, მიაწოდოს დაზუსტებული ინფორმაცია მის სარგებლობაში არსებული ავტომობილების შესახებ, საბურავების სიჩქარის ინდექსისა და ტვირთდაწოლის კილოგრამების განსაზღვრის მიზნით.

დ) მჭიდროდ ითანამშრომლოს გამარჯვებულ მიმწოდებელთან საბურავების მიწოდების სავარაუდო ვადების დადგენისა და შესაბამისი განრიგის შემუშავების მიზნით.

4.7 მიმწოდებლის მიერ კანონმდებლობით და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, შესაბამისი შემსყიდველი ორგანიზაცია მიმართავს სატენდერო კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს სატენდერო კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით.

4.8 სატენდერო კომისიის მიერ ხელშეკრულების შეწყვეტის შესახებ მითითების შემთხვევაში, შემსყიდველი ორგანიზაცია წყვეტს ხელშეკრულებას, რის შედეგადაც მიმწოდებელს დაეკისრება შემსყიდველი ორგანიზაციის სასარგებლოდ საჯარიმო თანხის გადახდა, კონკრეტული ხელშეკრულებით შესასყიდი (დარჩენილი) საბურავის ღირებულების 20%-ის ოდენობით.

4.9 4.8 პუნქტით გათვალისწინებულ შემთხვევაში, სატენდერო კომისიას უფლება აქვს იმსჯელოს კონსოლიდირებული ტენდერის შეწყვეტისა და ახალი კონსოლიდირებული ტენდერის ჩატარების ან შესყიდვის ალტერნატიული საშუალებების გამოყენების მიზანშეწონილობაზე. კონსოლიდირებული ტენდერის შეწყვეტის შემთხვევაში, იგი მიმართავს საქართველოს მთავრობას შესაბამისი რეკომენდაციით.

4.10 კონსოლიდირებული ტენდერის ფარგლებში საბურავის მიწოდებისას ანგარიშსწორება ხორციელდება უნაღდო ფორმით ეროვნულ ვალუტაში და მოიცავს საქართველოს კანონმდებლობით დადგენილ ყველა გადასახადს. შემსყიდველი ორგანიზაცია ვალდებულია, მიმწოდებლის მიერ საგადასახადო ანგარიშ-ფაქტურის წარმოდგენიდან 5 სამუშაო დღის ვადაში დაადასტუროს ან უარი თქვას ანგარიშ-ფაქტურის დადასტურებაზე შესაბამისი დასაბუთებით. ანგარიშსწორება განხორციელდება ანგარიშ-ფაქტურის დადასტურებიდან 5 სამუშაო დღის ვადაში.

მუხლი 5. კონსოლიდირებული ტენდერის მეშვეობით საბურავების სახელმწიფო შესყიდვის მიმდინარეობის მონიტორინგი

5.1 შემსყიდველი ორგანიზაცია ვალდებულია:

ა) სატენდერო კომისიას წარუდგინოს ინფორმაცია მიმწოდებელთან გაფორმებული სახელმწიფო შესყიდვის ხელშეკრულების შესახებ, ხელშეკრულების გაფორმებიდან არაუგვიანეს 10 კალენდარული დღისა, კომისიის მიერ დადგენილი ფორმის შესაბამისად და აღნიშნული ხელშეკრულება განათავსოს ერთიან ელექტრონულ სისტემაში, კანონმდებლობით გათვალისწინებული წესით.

ბ) ყოველი თვის 10 რიცხვამდე სატენდერო კომისიას წარუდგინოს ინფორმაცია ფაქტობრივად შესყიდული (ათვისებული) საბურავების შესახებ, კომისიის მიერ დადგენილი ფორმით.

გ) საბურავების სახელმწიფო შესყიდვის დაგეგმილ ოდენობასა და ხელშეკრულებით განსაზღვრულ ოდენობას შორის 20%-ზე მეტი სხვაობის შემთხვევაში, ასევე ხელშეკრულებით განსაზღვრულ ოდენობასა და ფაქტობრივად შესყიდულ (ათვისებულ) ოდენობას შორის 10%-ზე მეტი სხვაობის შემთხვევაში, სატენდერო კომისიას წარუდგინოს წერილობითი განმარტება აღნიშნული სხვაობის გამომწვევი მიზეზების თაობაზე.

5.2 მიმწოდებელი ვალდებულია ყოველი თვის 10 რიცხვამდე სატენდერო კომისიას წარუდგინოს ინფორმაცია კონსოლიდირებული ტენდერის ფარგლებში რეალიზებული საბურავების შესახებ კომისიის მიერ დადგენილი ფორმით.

მუხლი 6. დასკვნითი დებულებები

სატენდერო კომისიასთან მიმოწერა კონსოლიდირებულ ტენდერთან დაკავშირებული ნებისმიერ საკითხზე შესაძლებელია განხორციელდეს შემდეგი ელექტრონული ფოსტის tire2017@spa.gov.ge ან/და კონსოლიდირებული ტენდერების მენეჯმენტის სისტემის ctd.spa.ge მეშვეობით. აღნიშნული ელექტრონული ფოსტისა და კონსოლიდირებული ტენდერების მენეჯმენტის სისტემის საშუალებით გაგზავნილი კორესპონდენცია წარმოადგენს იურიდიული ძალის მქონე დოკუმენტს.

დანართი №1

სეზონი	საბურავი ს ბრენდი	საბურავის მოდელი	ბრენდის წარმოშობის ქვეყანა	საბურავის ზომა	ერთეულის ფასი	რაოდენობა	ჯამური ღირებულება	დამზადების წელი	ავტომანქანების ჩამონათვალი, რომლებზეც უნდა განხორციელდეს მისაწოდებელი საბურავების მონტაჟი
ყველა სეზონი A/T				R15 205/70	152	124		არაუადრეს 2016 წლისა	Suzuki jimny და სხვა.
ყველა სეზონი A/T				R15 235/75	200	16		არაუადრეს 2016 წლისა	Nissan pick up; Ford ranger და სხვა.
ყველა სეზონი A/T				R15 265/70	230	12		არაუადრეს 2016 წლისა	Mitsubishi pajero; Nissan frontier და სხვა.
ყველა სეზონი A/T				R16 215/70	175	80		არაუადრეს 2016 წლისა	Mitsubishi pajero და სხვა.

ყველა სეზონი A/T				R16 235/85	255	516	196,928.00 ლარი	არაუადრეს 2016 წლისა	Toyota hilux, Land cruiser; Mitsubishi L200 და სხვა.
ყველა სეზონი A/T				R16 245/75	200	8		არაუადრეს 2016 წლისა	Nissan navara, Toyota 4runner, fortuner და სხვა.
ყველა სეზონი A/T				R16 265/70	305	52		არაუადრეს 2016 წლისა	Mitsubishi L200, Toyota sequoia და სხვა.
ყველა სეზონი A/T				R17 225/65	235	4		არაუადრეს 2016 წლისა	Toyota Rav4, Volkswagen touareg და სხვა.
ყველა სეზონი A/T				R17 265/65	250	8		არაუადრეს 2016 წლისა	Mitsubishi pajero და სხვა.
ყველა სეზონი A/T				R18 265/60	335	12		არაუადრეს 2016 წლისა	Mitsubishi pajero და სხვა.
ყველა სეზონი A/T				R18 275/65	370	2		არაუადრეს 2016 წლისა	Ford F-150 და სხვა.
ყველა სეზონი A/T				R18 285/60	345	4		არაუადრეს 2016 წლისა	Toyota land cruiser და სხვა.

დანართი № 2

ტექნიკური დოკუმენტაცია

- შემოთავაზებული საბურავი უნდა იყოს მსოფლიოში აღიარებული ბრენდის, რომელიც მსოფლიო ბაზარზე არანაკლებ 30 წელი იყიდება.

2. პრეტენდენტის მიერ შემოთავაზებული საბურავები უნდა შეესაბამებოდეს დანართი №1-ში წარმოდგენილი ავტომობილების ტექნიკურ მოთხოვნებს სიჩქარის ინდექსისა და ტვირთდაწოლის კილოგრამების გათვალისწინებით.
3. შემოთავაზებული საბურავის მწარმოებელს უნდა გააჩნდეს სტანდარტიზაციის საერთაშორისო ორგანიზაციის (ISO) „ISO-16949“ და „ISO-9001“ სერტიფიკატები.
4. შემოთავაზებული საბურავის ხარისხი უნდა დასტურდებოდეს ევროპის ეკონომიკური კომისიის (the Economic Commission of Europe „ECE“) მიერ გაცემული სერტიფიკატის ფლობით. აღნიშნული დადასტურებული უნდა იყოს ინგლისურენოვანი და ქართულ ენაზე ოფიციალურად ნათარგმნი შესაბამისი დოკუმენტის წარდგენით სატენდერო წინადადებათან ერთად.
5. კონსოლიდირებული ტენდერის შერჩევა/შეფასების ეტაპზე, სატენდერო კომისიის მოთხოვნის შემთხვევაში და სატენდერო კომისიის მიერ მითითებულ ვადაში, პრეტენდენტმა სატენდერო კომისიას უნდა წარუდგინოს:
 - მისაწოდებელი საბურავის ნიმუში;
 - მისაწოდებელი საბურავის პროტექტორის ნახატი, რაც უნდა ქმნიდეს შემოთავაზებული საბურავის ზუსტი იდენტიფიცირების შესაძლებლობას;
 - წარმოდგენილი საბურავის სატენდერო დოკუმენტაციით დადგენილ მოთხოვნებთან შესაბამისობის დამადასტურებელი მწარმოებლის მიერ გამოგზავნილი ნებისმიერი კორესპონდენციის ორიგინალი;
 - ელექტრონული მისამართები, მწარმოებლის ოფიციალური ვებ-გვერდის „ლინკები“ ან ატვირთოს კატალოგის შესაბამისი გვერდები, რომლის მიხედვითაც შემსყიდველს ექნება საშუალება მოიძიოს ინფორმაცია შემოთავაზებული საქონლის სატენდერო დოკუმენტაციით დადგენილი ტექნიკურ მოთხოვნებთან შესაბამისობის (მათ შორის ინფორმაცია საბურავების სეზონურობის შესახებ) დადგენის მიზნით.
6. მისაწოდებელი საქონელი უნდა იყოს ახალი, ქარხნული წარმოების და საგარანტიო ვადის ამოწურვამდე არ უნდა განიცადოს დეფორმაცია და უნდა ექვემდებარებოდეს ბალანსირებას, წინააღმდეგ შემთხვევაში საბურავი უნდა შეიცვალოს იდენტური პარამეტრების მქონე ახალი საბურავით.

7. შემოთავაზებულ საბურავებზე მითითებული უნდა იყოს სეზონის შესაბამისი მარკირება.
8. საბურავების საექსპლუატაციო ვადა უნდა შეადგენდეს არანაკლებ 50 000 კმ გარბენის რესურსს.
9. შემსყიდველი უფლებამოსილია განახორციელოს საბურავის ინსპექტირება, რაც შეიძლება გულისხმობდეს საბურავის ვიზუალურ შემოწმებას ან შესაბამის ექსპერტიზას.
10. იმ შემთხვევაში, თუ შემსყიდველი ორგანიზაცია სატენდერო კომისიას დაუსაბუთებს მის ექვს მიწოდებული საბურავის ტექნიკურ მოთხოვნებთან შეუსაბამობის თობაზე, კომისიას უფლება აქვს მიიღოს გადაწყვეტილება შესაბამისი ექსპერტიზის ჩატარების თაობაზე.
11. პრეტენდენტის მიერ შემოთავაზებული საბურავზე საგარანტიო პირობები ვრცელდება: საბურავის სწორი ექსპლუატაციის შემთხვევაში არანაკლებ 50 000 კმ. გარბენზე. საბურავმა არ უნდა მიიღოს დეფორმაცია, ნორმების დაცვით ექსპლუატაციისას საბურავის სამუხრუჭე მანძილი არ უნდა იწვევდეს საფრთხის შექმნას მგზავრებისათვის და საბურავმა არ უნდა გამოავლინოს ისეთი დეფექტები, რომელიც ხელს შეუშლის ტრანსპორტის ნორმალურ ექსპლუატაციას ან საფრთხეს შეუქმნის მგზავრების უსაფრთხოებას.
12. მიმწოდებელმა დაუყოვნებლივ უნდა უზრუნველყოს ინსპექტირების შედეგად გამოვლენილი ნებისმიერი ნაკლის, წუნის ან სხვა დეფექტის მქონე საბურავის შეცვლა ახალი იდენტური პარამეტრების მქონე საბურავით საკუთარი სახსრებით.
13. გარანტია არ ვრცელდება მექანიკურად დაზიანებულ საბურავებზე.